



Broj: 0101-5938-8/20

Sarajevo, 20. 07. 2020. godine

Na osnovu člana 70. stav (1), (3) i (6) Zakona o javnim nabavkama („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku robe – Kompjuterska oprema, nakon uspješno završene e-aukcije, na preporuku Komisije za javnu nabavku broj: 0101-5938-7/20 od 20. 07. 2020. godine, rektor Univerziteta u Sarajevu donio je

ODLUKU o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-5938-7/20 od 20. 07. 2020. godine i ugovor o javnoj nabavci robe – Kompjuterska oprema, dodjeljuje ponuđaču **DIGITARIJA d.o.o. Sarajevo Zmaja od Bosne 14C, 71000 Sarajevo, čija konačna cijena ponude iznosi 10.940,00 KM bez PDV-a** (slovima: *desethiljadadevetstotinačetrestdesetkonvertibilnihmaraka* i 00/100), iz razloga što je u otvorenom postupku, nakon uspješno završene e-aukcije, u skladu sa kriterijumom najniža cijena, ponuda ponuđača ocijenjena kao najpovoljnija u skladu sa članom 64. stav (1) tačka b).

Član 2.

Izabrani ponuđač dužan je na adresu Univerziteta u Sarajevu, Obala Kulina bana 7/II, 71000 Sarajevo, u roku od **3 (tri) dana od dana zaprimanja Odluke, dostaviti originale ili ovjerene kopije dokaza traženih Tačkom 13.1. Tenderske dokumentacije, sve taksativno kao što je navedeno u Tački 13.1. podtačke a.1), a.2), b), c) i d) Tenderske dokumentacije**, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će biti objavljena na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 0101-5938-1/20 od 24. 06. 2020. godine Univerzitet u Sarajevu pokrenuo je otvoreni postupak za javnu nabavku robe – Kompjuterska oprema, za potrebe Univerziteta u Sarajevu.

Za provođenje postupka javne nabavke, Odlukom broj: 0101-5938-2/20 od 24. 06. 2020. godine imenovana je Komisija za provođenje predmetnog postupka javne nabavke.

Obavještenje o javnoj nabavci broj: 999-1-1-65-3-52/20 objavljeno je na Portalu javnih nabavki dana 25. 06. 2020. godine. Istog dana, na Portalu javnih nabavki objavljena je i Tenderska dokumentacija broj: 0101-5938-3/20. Sažetak Obavještenja o javnoj nabavci broj: 999-1-1-65-3-52/20, objavljen je u „Službenom glasniku BiH“ broj: 39/20 od 03. 07. 2020. godine.

Iz Izvještaja o preuzimanju tenderske dokumentacije, kreiranog sa Portala javnih nabavki dana 13. 07. 2020. godine u 10:02 sati, vidljivo je da su, u periodu koji je ostavljen za dostavljanje ponuda (do 13. 07. 2020. godine), sa Portala javnih nabavki Tendersku dokumentaciju broj: 0101-5938-3/20 objavljenju dana 25. 06. 2020. godine preuzeli sljedeći potencijalni ponuđači: C Servis doo, Ekapija doo, Prointer itss doo, Robert's plus d.o.o., Network doo, Imtec d.o.o. Sarajevo, K-M Solution d.o.o., BBS Europe, Telenet d.o.o. Sarajevo,

"Gradprom" d.o.o. Srbac, KS nekretnine d.o.o., Aspo Rail d.o.o., Alf-om, Purple Key d.o.o, Telnet d.o.o, Zerick d.o.o., Facit doo, Protim d.o.o. Sarajevo, Procom d.o.o. Tuzla, Kamer Commerce d.o.o., Rebus d.o.o., Ping d.o.o., R&S d.o.o. Sarajevo, Atia doo Sarajevo, Veracomp d.o.o., Aero Exclusive doo, Agencija za tehničku i fizičku zaštitu Middle Point Electronics d.o.o., IT Systems, Printex, Imel doo, Asbis d.o.o., "Elur" d.o.o. Kiseljak, Middle Point Electronics d.o.o. Sarajevo, Doper-Tech, Digitarija d.o.o. Društvo za zavjetovanje i usluge u informatici.

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 13. 07. 2020. godine, vidljivo je da je u periodu koji je ostavljen za dostavljanje pitanja i odgovora, ponuđač FACIT D.O.O. postavio slijedeće pitanje: Shodno Vašem zahtjevu iz tačke 10. Tehnička specifikacija, u smislu: "Ponuđač je obavezan dostaviti i tehničku dokumentaciju sa detaljnom tehničkom specifikacijom i obrazloženjem (zvaničnu tehničku specifikaciju ponuđača), navesti proizvođača, zemlju porijekla, vrstu i tip proizvoda, karakteristike i garanciju za robu koja se planira isporučiti (za svaku stavku pojedinačno)...". Da li navedeno podrazumijeva dostavljanje detaljne tehničke dokumentacije na memorandumu ponuđača i navesti sve traženo, i takođe dostaviti zvaničnu tehničku dokumentaciju od strane proizvođača? Ili se odnosi samo na jedno od navedenog?

Ugovorni organ odgovorio je da je ponuđač obavezan dostaviti tehničku dokumentaciju sa detaljnom tehničkom specifikacijom i obrazloženjem (zvaničnu tehničku specifikaciju proizvođača), za svaku stavku pojedinačno, iz kojih se jasno i u potpunosti vide karakteristike ponuđene predmetne robe, kojim ponuđač treba da dokaže da ispunjava zahtjeve Ugovornog organa utvrđene u ovoj Tenderskoj dokumentaciji, sve kako je i navedeno Tenderskom dokumentacijom, te da ponuđač može dodatno dostaviti tehničku specifikaciju i na svom memorandumu.

Od strane potencijalnih ponuđača nije bilo žalbi na Tendersku dokumentaciju.

Iz Zapisnika o otvaranju ponuda vidljivo je da je dana 13. 07. 2020. godine u 10:15 sati, Komisija za javnu nabavku, izvršila javno otvaranje blagovremeno dostavljenih ponuda sljedećih ponuđača:

R.br.	Naziv i sjedište ponuđača	Broj prijemnog protokola	Datum i vrijeme prijema ponude
1.	TR „DOPER-TECH“ Kiseljak Sarajevski put 24, 71250 Kiseljak	0101-7146/20	10. 07. 2020. godine 09:00
2.	DIGITARIJA d.o.o. Sarajevo Zmaja od Bosne 14C, 71000 Sarajevo	0101-7199/20	13. 07. 2020. godine 08:20
3.	Robert's Plus d.o.o. Marka Marulića 2/V, 71000 Sarajevo	0101-7200/20	13. 07. 2020. godine 08:40
4.	Elur d.o.o. Kiseljak Žrtava domovinskog rata 2, 71250 Kiseljak	0101-7206/20	13. 07. 2020. godine 09:40

U Zapisniku o otvaranju ponuda konstatovano je da nije bilo neblagovremenih ponuda. Na javnom otvaranju ponuda nije bilo prisutnih predstavnika ponuđača, a od strane članova Komisije i ostalih prisutnih nije bilo primjedbi na postupak otvaranja i ostale priopćene informacije. Zapisnik sa javnog otvaranja ponuda ponuđačima je poslat putem pošte.

Komisija za provođenje postupka nabavke je u Zapisniku o otvaranju ponuda sačinila sažetak ponuda primljenih u roku, prema redoslijedu prijema:

R.br.	Naziv i sjedište ponuđača	Ponuđeni popust	Ukupna cijena ponude
1.	TR „DOPER-TECH“ Kiseljak Sarajevski put 24, 71250 Kiseljak	0,00	11.538,45 KM bez PDV-a 13.500,00 KM sa PDV-om

2.	DIGITARIJA d.o.o. Sarajevo Zmaja od Bosne 14C, 71000 Sarajevo	0,00	11.886,90 KM bez PDV-a 13.907,67 KM sa PDV-om
3.	Robert's Plus d.o.o. Marka Marulića 2/V, 71000 Sarajevo	0,00	11.886,42 KM bez PDV-a 13.907,11 KM sa PDV-om
4.	Elur d.o.o. Kiseljak Žrtava domovinskog rata 2, 71250 Kiseljak	0,00	11.890,00 KM bez PDV-a 13.911,30 KM sa PDV-om

Komisija za javnu nabavku je nakon provjere računске ispravnosti dostavljenih ponuda utvrdila da u ponudama ponuđača TR „DOPER-TECH“ Kiseljak, DIGITARIJA d.o.o., Sarajevo, ROBERT'S PLUS d.o.o. i ELUR d.o.o. Kiseljak nije bilo računskih grešaka, te da su ponude ponuđača računski ispravne.

U cilju ocjene ispunjavanja uslova za primjenu preferencijalnog tretmana domaćeg, nakon pregleda ponuda, Komisija je utvrdila da se na ponude ponuđača TR „DOPER-TECH“ Kiseljak, DIGITARIJA d.o.o., Sarajevo, ROBERT'S PLUS d.o.o., ELUR d.o.o. Kiseljak, ne primjenjuje preferencijalni tretman domaćeg.

Iz Zapisnika Komisije za javnu nabavku vidljivo je da je Komisija započela sa pregledom ponuda dana 13. 07. 2020. godine, kako bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude, te da li su kvalifikovani za nabavku predmetne robe.

Komisija za provođenje postupka javne nabavke je dana 13. 07. 2020. godine ponuđaču DIGITARIJA d.o.o. Sarajevo uputila Zahtjev za pojašnjenje tehničke specifikacije broj: 0101-5938-6/20 u kojem je navela da je pregledom ponude utvrđeno da je ponuđač za stavku 4. iz Obrasca za cijenu ponude – Laptop (strana 21. i 22. Ponude), dostavio tehničku specifikaciju proizvođača, ali da nije jednoznačno i jasno označio koje od ponuđenih karakteristika ima roba koju nudi za navedenu stavku. Komisija iz uopštene priložene specifikacije nije mogla utvrditi koje od karakteristika se odnose na robu koju ponuđač nudi, pa je prema tački 10. Tenderske dokumentacije, u skladu sa članom 49. tačka d), a u vezi sa članom 68. stav (4) tačka f) Zakona o javnim nabavkama, radi otklanjanja nejasnoće, pozvala ponuđača da u roku od 3 (tri) dana dostavi pismeno pojašnjenje, koje od karakteristika iz priložene tehničke specifikacije (strana 21, 22 Ponude) su karakteristike robe koju ponuđač nudi.

Dana 14. 07. 2020. godine ponuđač DIGITARIJA d.o.o. Sarajevo dostavio je Pojašnjenje tehničke specifikacije broj: PO-1407/20-01, u kojem je precizirao karakteristike robe iz stavke 4. Obrasca za cijenu ponude, te dostavio ponovo tehničku specifikaciju proizvođača, ali sa jasno naznačenim karakteristikama robe koju nudi, na osnovu čega je Komisija utvrdila da je ponuđač potvrdio karakteristike ponuđene robe iz tehničke specifikacije proizvođača koju je dostavio u ponudi, koje ispunjavaju minimalne karakteristike tražene u Obrascu za cijenu ponude – Prilog II Tenderske dokumentacije.

Komisija za provođenje postupka javne nabavke je u toku evaluacije ponuda, analizom traženih i dostavljenih dokumenata u ponudi ponuđača TR „DOPER-TECH“ Kiseljak, Sarajevski put 24, 71250 Kiseljak utvrdila da Ponuđač nije dostavio tehničku dokumentaciju sa detaljnom tehničkom specifikacijom i obrazloženjem (zvaničnu tehničku specifikaciju proizvođača), iz koje se jasno i u potpunosti vide karakteristike ponuđene predmetne robe, kojim ponuđač treba da dokaže da ispunjava zahtjeve Ugovornog organa utvrđene u Tenderskoj dokumentaciji, a što je utvrđeno tačkom 10. Tenderske dokumentacije, kao i u Obrascu za cijenu ponude – Prilog II. Utvrđeno je da je Ponuđač dostavio samo tehničku specifikaciju na vlastitom memorandumu u kojem su navedene karakteristike robe koju ponuđač nudi, a ne i zvaničnu tehničku specifikaciju proizvođača.

Također, Komisija je prilikom ocjene u obzir uzela i pitanje koje je postavljeno od ponuđača FACIT d.o.o. na Portalu javnih nabavki, a koje je kao i odgovor Ugovornog organa dostupno svim ponuđačima. Pitanje ponuđača, a što je detaljno navedeno tačkom 5. Zapisnika je upravo bilo usmjereno na tačku 10. Tenderske dokumentacije, gdje ponuđač traži pojašnjenje da li se tačkom 10. podrazumijeva dostavljanje detaljne

tehničke dokumentacije na memorandumu ponuđača gdje će se navesti traženo, uz zvaničnu tehničku dokumentaciju proizvođača, ili se traži samo jedno od navedenog. Ugovorni organ je u skladu sa zahtjevima iz Tenderske dokumentacije potvrdio da je ponuđač obavezan dostaviti tehničku dokumentaciju sa detaljnom tehničkom specifikacijom i obrazloženjem (zvaničnu tehničku specifikaciju proizvođača), a da ponuđač može dodatno dostaviti tehničku specifikaciju i na svom memorandumu.

Prema naprijed utvrđenom, Komisija za provođenje postupka javne nabavke je primjenom odredbi *Zakona o javnim nabavkama* i *Uputstva za pripremu modela tenderske dokumentacije i ponuda*: **član 2. stav 1. tačka 1)** prema kojem ponuda može biti neprihvatljiva ukoliko ne ispunjava uslove tražene tenderskom dokumentacijom, **član 44. stav 6.** prema kojem je samo onim ponuđačima čije kvalifikacije zadovoljavaju uslove utvrđene u tenderskoj dokumentaciji dopušteno da nastave postupak javne nabavke, **član 57. stav 1. Zakona o javnim nabavkama** prema kojem se ponuđač u postupku javne nabavke pridržava zahtjeva i uslova iz tenderske dokumentacije, te **član 16. Uputstva za pripremu modela tenderske dokumentacije i ponuda** prema kojem postupak pregleda i ocjene ponuda obavlja komisija za javne nabavke na osnovu uslova i zahtjeva iz tenderske dokumentacije, **ponudu ponuđača TR „DOPER-TECH“ Kiseljak, ocijenila kao neprihvatljivu**, te je istu odbacila u skladu sa **članom 68. stav (4) tačka i) Zakona o javnim nabavkama.**

Komisija za javnu nabavku ocijenila je da **ponude ponuđača DIGITARIJA d.o.o., Sarajevo, ROBERT'S PLUS d.o.o. i ELUR d.o.o. Kiseljak** ispunjavaju sve uslove za kvalifikaciju tražene Tenderskom dokumentacijom, pa je ponude **ocijenila kao prihvatljive.**

S obzirom da je za predmetnu nabavku Ugovorni organ, u Tenderskoj dokumentaciji broj: 0101-5938-3/20 objavljenoj dana 25. 06. 2020. godine i Obavještenju o nabavci broj: 999-1-1-65-3-52/20 od 25. 06. 2020. godine, predvidio provođenje e-aukcije kroz sistem e-nabavke, Komisija je u skladu sa podzakonskim aktima, dana 17. 07. 2020. godine, kroz sistem e-nabavke zakazala održavanje e-aukcije za kvalificirane ponuđače za dan 20. 07. 2020. godine sa početkom u 10:00:00 sati.

Komisija za nabavku sačinila je početnu rang listu ponuđača koji su pozvani da učestvuju u e-aukciji:

R.br.	Naziv i sjedište ponuđača	IDB/JIB	Početna cijena u KM bez PDV-a	Rang
1.	Robert's Plus d.o.o. Marka Marulića 2/V, 71000 Sarajevo	4200924910007	11.886,42 KM	1
2.	DIGITARIJA d.o.o. Sarajevo Zmaja od Bosne 14C, 71000 Sarajevo	4201551320006	11.886,90 KM	2
3.	Elur d.o.o. Kiseljak Žrtava domovinskog rata 2, 71250 Kiseljak	4236010950005	11.890,00 KM	3

Iz Izvještaja o toku i završetku e-aukcije, koji je generisan iz sistema javnih nabavki dana 20. 07. 2020. godine, vidljivo je da je e-aukcija započela dana 20. 07. 2020. godine u 10:00:00 sati, te uspješno okončana istog dana u 11:30:00 sati.

Izvještaj o toku i završetku e-aukcije nalazi se u prilogu Zapisnika o pregledu i ocjeni ponuda.

Iz Izvještaja o toku i završetku e-aukcije vidljiva je konačna rang lista ponuđača koji su učestvovali u e-aukciji (nakon završetka e-aukcije):

R.br.	Naziv i sjedište ponuđača	IDB/JIB	Konačna cijena u KM bez PDV-a	Rang
-------	---------------------------	---------	-------------------------------	------

1.	DIGITARIJA d.o.o. Sarajevo Zmaja od Bosne 14C, 71000 Sarajevo	4201551320006	10.940,00 KM	1
2.	ROBERT'S PLUS d.o.o. Marka Marulića 2/V, 71000 Sarajevo	4200924910007	10.952,00 KM	2
3.	ELUR d.o.o. Kiseljak Žrtava domovinskog rata 2, 71250 Kiseljak	4236010950005	11.399,00 KM	3

Komisija za provođenje postupka javne nabavke je na osnovu Izvještaja o toku i završetku e-aukcije, u Zapisniku o pregledu i ocjeni ponuda konstatovala da je nakon završetka e-aukcije najpovoljniji ponuđač **DIGITARIJA d.o.o. Sarajevo Zmaja od Bosne 14C, 71000 Sarajevo**, čija konačna cijena ponude iznosi **10.940,00 KM bez PDV-a** (slovima: **desethiljadadevetstotinačetrdesetkonvertibilnihmaraka i 00/100**).

Na osnovu navedenog, Komisija za javnu nabavku dala je preporuku rektoru Univerziteta u Sarajevu da za nabavku robe – Kompiuterska oprema, donese odluku o izboru najpovoljnijeg ponuđača i dodijeli ugovor ponuđaču **DIGITARIJA d.o.o. Sarajevo Zmaja od Bosne 14C, 71000 Sarajevo**, čija ponuda je, nakon uspješno završene e-aukcije, u skladu sa kriterijom najniža cijena tehnički zadovoljavajuće ponude, ocijenjena kao najpovoljnija sa ukupnom cijenom **10.940,00 KM bez PDV-a** (slovima: **desethiljadadevetstotinačetrdesetkonvertibilnihmaraka i 00/100**).

Iz naprijed navedenih razloga, primjenom člana 64. stav (1) tačka b) i člana 69. stav (1) tačka a) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ovog ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama.

REKTOR


prof. dr. Rifat Škrinjelj



Dostaviti:

1. DIGITARIJA d.o.o. Sarajevo Zmaja od Bosne 14C, 71000 Sarajevo
2. ROBERT'S PLUS d.o.o., Marka Marulića 2/V, 71000 Sarajevo
3. ELUR d.o.o. Kiseljak, Žrtava domovinskog rata 2, 71250 Kiseljak
4. TR „DOPER-TECH“ Kiseljak, Sarajevski put 24, 71250 Kiseljak
5. Prorektor za finansije
6. Generalni sekretar
7. Jedinica interne revizije
8. Služba za računovodstvo i finansije
9. Služba za javne nabavke
10. web stranica UNSA
11. a/a

Prilog:

- Zapisnik o pregledu i ocjeni ponuda

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina

Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>